

www.BibleForChildren.org

Mojsija 3



O manuš dinda pla romnjače anav
Eva, adalese soi oj daj
sa e dživdenđe.



A o sap inele po lukavo oto sa divlja
životinje saven o GOSPOD o Devel
čerđa. Ov pučlja e đuvlja: "Čače li o
Devel phenđa tumenđe: 'Na troman
te han oto nijekh kaš ano vrt?' "



I đuvli phenda e
sapese: "O plodija
oto kašta ano vrt amen
tromaja te ha, sem o
plod oto kaš savoi ano maškar e vrtesoro,
zako savo o Devel phenda: 'Ma te han
olestar ni ma te pipinen le, te na meren!' "



Tegani o sap
phenda e đuvljaće:

“Na, sigurno naka
meren. Nego, džanel o

Devel: kad ka han olestar, ka phravđon
tumare jaća hem ka oven sar o

Devel – ka džanen soi šukar, a soi
bišukar.”



I đuvli dikhlja dai o plod oto kaš šukar
hajbnase, dai šukar zako dikhiba hem
dai poželjno zbog i mudrost savi šaj te
del. Pa lelja o plod oto kaš hem halja
le. A dinda le hem ple romese, kova
inele olaja, pa hem
ov halja.



Tegani sodujengere jača phravdile
hem halile dai nange. Adalese pletinde
o listija e smokvakere hem ćerdefse
nešto soja te učharen pe.





O GOSPOD o Devel
vičinda e manuše hem pučlja le: "Kaj
injan?" A o manuš phenda: "Šundum to phiriba ano vrt
hem darandiljum, adalese so injum nango,
i garavdum man."





A o Devel pučlja le:


“Ko phenda će da injan nango?”

Na li haljan oto kaš savestar naredinđum će te na ha?”



A o manuš phenda: "I đuvli kola tu čivđan te ovel mancar, oj dinda man o plod oto kaš, pa me haljum." Tegani o GOSPOD o Devel pučlja e đuvlja: "So ćerđan adava?" A i đuvli phenda: "O sap prevarinda man, pa haljum."





Adalese o GOSPOD o Devel
ispudinđa le taro edensko vrt,
te ćerel buti upri phuv oti savi
hem inele ćerdo.






Kad ispudinda e manuse, istočno oto edensko vrt čhivđa heruvimija hem jagalo mači, savo kretini pe ine ko sa o strane, te pazinen o drom savo legari nakoro kaš e dživdipnasoro.




O Adam suća pla romnjaja e Evaja, hem oj ačhili khamni hem bijanđa e Kaine. Tegani oj phenđa: "O GOSPOD pomožinđa man te dobinav murše čhave!" Palo adava oj bijanđa hem e Kainesere phrale e Avelje. O Avelj inele pastiri, a o Kain zemljoradniko.



Palo nesavo vreme, o Kain prinosinđa e GOSPODESE žrtva oto plodija e phuvjakere, a o Avelj prinosinđa o najšukar kotora oto mas oti prvina ple stadosiri. O GOSPOD prihvatinđa e Aveljesiri žrtva, ali e Kaine hem lesiri žrtva na prihvatinđa. Adalese o Kain but holjanđa hem muklja po muj.



O Kain phenda ple phralese e Aveljese: "Hajde ano polje." A kad inele ano polje, o Kain uštino upro Avelj hem mudarđa le.



O GOSPOD pučlja e Kaine: "Kaj to phral o Avelj?" O Kain phenda: "Na džanav. Me li injum čuvari mle phralesoro?" Tegani o Kain cidinda pe oto muj e GOSPODESORO hem lelja te živini ani phuv Nod, istočno oto Eden.



O Adam palem suća pla romnjaja, hem oj bijanđa
čhave hem dinda le anav Sit, vaćerindoj: "O Devel
dinda man dujtone čhave umesto o Avelj,
kole o Kain mudarđa."



Palo adava so bijandilo o Sit, o Adam živinča pana
oftošel berš hem bijandile lese pana čhave hem čhaja.
O Adam ukupno živinča enjašelu trijanda
berš hem mulo.



O GOSPOD dikhlja kobori baro e manušesoro
bišukaripe ki phuv hem dai o mislija
lesere vilesere stalno irime samo
nakoro bišukaripe.



Adalese o GOSPOD phendā: "Ka uništinaŋ ki phuv e manušen kolen stvorindum, zajedno e životinjencar hem okolencar so lazinena phuvjaja hem e čirikljencar savei ko nebo, adalese so pokajindum man so stvorindum len."



Ali o Noje arakhlja milost anglo GOSPOD. Ole ine
trin čhave: o Sim, o Ham hem o Jafet.



Adalese so, o Devel edobor volindā e
manušen taro sveto da dindā ple
jekhore Čhave, da svako kova
verujini ano leste te na merel,
nego te ovel le večno dživdipe.



Rimljanenđe 3:23 Adalese so, sare grešinde hem našalde i slava e Devlesiri,

Rimljanenđe 6:23 Adalese soi i plata zako greh meriba, a daro e Devlesoroj večno dživdipe ano amaro Gospod Hrist Isus.

Jevrejende 9:27 Hem sar soi e manušende odredime jekhvar te meren, a onda te ikljon ko sudo e Devlesoro,

Efežanende 2:8,9 Adalese so, pali milost injen spasime prekali vera. Adava na avela oto tumaro trud, adavai e Devlesoro daro. Na injen spasime zbog tumare delja, sar te našti nijekh hvalini pe.



Rimljanenđe 10:9,10 te priznajineja te mujeja dai o Isus
Gospod hem vileja verujineja da o Devel vazdinđa le taro
mule, ka ove spasime. Adalese so, vileja verujini pe zako
opravdanje, a mujeja priznajini pe zako spasenje.

Jovan 3:16,17 Adalese so, o Devel edobor volinđa e
manušen taro sveto da dinđa ple jekhore Čhave, da svako
kova verujini ano leste te na merel, nego te ovel le večno
dživdipe. O Devel na bičhalđa ple Čhave ko sveto te
osudini e manušen, nego o manuša te oven
spasime prekalo leste.

1 Jovan 5:11-13 A akavai adava svedočanstvo: o Devel
dinđa amen večno dživdipe, hem adavai dživdipe ano
lesoro Čhavo. Kas isi e Čhave, isi le dživdipe. Kas nane e
Čhave e Devlesere, nane le dživdipe. Akava pisinđum
tumenđe kola verujinena ano anav e Devlesere Čhavesoro
te džanen da isi tumen večno dživdipe.



Mojsija 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Romani Arli Bible (rmn) CC BY SA

<https://www.bible.com/en-GB/bible/3606/MAT.1.RAB>

©2026 Bible for Children, Inc.

www.M1914.org www.bibleforchildren.org

